

## Bulu - Nyian Mintilan - Salvation Scriptures

Efeze 2:2 mbie mi nga nyiñ été, éyoñ mi nga tôñe \*zambe ya \*si nyô, étoñe ntômba ja yengan e zañe yôp a si, e \*nsisim wo bo ésaé e zañe bikañekañe bi bôt.

Metias 6:10 ejôé jôé é za'ak, nkômbane wôé ô boba'ane si nyô aval ane wo bobane yôp.

Lukas 22:42 a jô'ô na: A Esaa wom nge wo kômbô nalé, kele ma \*élaé jina ôyap. Ve Jame da na e nkômbane wôé e ñwô ôte ô boba'an saa ñhe éñwom. Yoanes 16:7-9 Ma kate fo'o mia bebelna, e ne mia beta mfi na me ke. Amu nge ma bo te ke, Mvolô minlem aa ye ke zu be mia. Ve nge ma ke ki, ma ye ke lôme mia nye. 8 Eyoñ a ye so, émien a ye kpwé \*si nyô ajô \*abé, ajô \*zôsôô, a ajô ntyi'ane mejô. 9 Mfa'a ajô \*abé, amu na be nji buni ma.

2 Timôté Baa 2:10 Ajô te ma jibi mame mese, amu mintobane mi bôt, nalé be fe ba ye bi nyian ô nee be Krist Yésus a étôto'o ya nnôm éto.

Rôme 15:20,21 Ve me nga tyi'i na, me kate Mbamba Foé ve vôme jôé Krist e ngenane te kateban, amu me za lôñ e mbôka'a môte mfe a nga bô'ô yôp, 21 a bo ane ntilan wo jô na: e ba Foé é nji katebane be be, ba ye yen, a ba be nji tame wô'ô je ba ye yem.

Mimboone Minlôman 2:36,37 Nda bôt Israél é tuka'a yem ajô di ne sañesañ na: Zambe a boyâ nye Nti a Njô bôt, Yésus mi nga tyelé \*krôa. 37 Eyoñe be nga wô'ô mejô mete, ane me nga fô'ô be minlem, be nga sili Pierre a minlômane mivo'o na: A bobejañ, bia ye bo aya?

Hébre 4:2 Amu bi nga wô'ô Mbamba Foé avale fe ane bôte bete, ve foé be nga wôk é nji ve'ele bo mvolan e be be. Amu éyoñ be nga wô'ô je, be nji nyoñe je a mbunan.

Jeremia 24:7 Ma ye ve be minlem mia yeme na me ne Nti. Ba ye bo bôte bam, a ma ye bo Zambe wop, nge ba ye bulane be ma a nleme wob ôse.

Mimboone Minlôman 16:14 Wua ya e be be a to jôé na, Lidia. A mbe nkuane beveleves, bialébialé ya Tiatire, nye a nga too a kañe Zambe. A nga vô'ôlô bia nalé amu Nti a nga kui e nleme wé a bo nkômane ya vô'ôlô nkobô Paul.

Metias 13:14,15 A mejô \*nkulu mejô Ezayi a nga kobô ma tôéban mfa'a wobe na: Mia ye ju'u baé melo ve teke wôk, mia ye ju'u fombô ve teke yen 15 Amu minlem mi bôte bana mi maneya bo afip be maneya bo ayet mfa'a ya melo map, be maneya buti mise map na be bo te vô'ôlô a melo map na be bo te wôk a minleme miap. A na be bo te kôñelane minlem. A me nga ye bo be \*mvo'é.

Ezayi 6:9,10 Nye na: Kelek, a wo ye jô bôte bete na: tuka'a vô'ôlan, ve teke wô'ô jôm, Tuka'a fomban, ve teke yemelan. 10 Bo'o minleme ya bôte bana ayet bo'o melo mabe ndok a bo mise mabe ndim, be za yen a mise map nge

wôk a melo map, nge bi fek a nleme wop, be za kôñelane minlem a nyiñ.  
Markus 4:11,12 Ane a nga jô be na: Mia e vebaneyna na mi yem ndimba mam ya  
éjôé Zambe. Ve mfa'a ba ya atan, ba kobô be mam mese ve a minkana, 12  
ajô te ba ye fombô na be yen, ve teke yen ba ye vô'ôlô na be wôk, ve teke  
wôk, be za kôñelan minlem a nyône \*njaman.

Yoanes 12:39,40 Ajô te be nga bo te ngul ya buni, amu Ezayi a nga jô fe na: 40  
A nga ve be ndim e mis, a bo be ayete minlem, be za yen a mise map, a bi  
fe'e minlem, a kôñelan, ane ma ye saé be.

Rôme 11:7,8 Nde bi ne jô aya? E jôme Israél a jeñ, a nji bi je. Ve mintobane mi  
bôt mi nga bi je. Ve mfa'a ba bevok, be nga boban ayete minlem, 8 aval ane  
e ne ntilane na: Zambe a nga ve be Nsisim ô ne ékôkôt, a mise na, be bo te  
yen, a melo na, be bo te wôk, a zu kui môse wu.

2 Tésalonik Baa 2:10,11 A mindutan mi ékotekot mevale mese e be ba ba jañ,  
amu be nji nyône nye'ane benya mejôô ñwô ô nga yiane nyii be. 11 Ajô te  
Zambe a lôme be ngule ja bo na be jañe fé a nje ja ye bo be na be buni  
minsos,

Metias 13:18-23 Mia, vô'ôla'ane ñhe \*nkana mmiase mvoñ: 19 Nyô ase a wô'ô  
mejô y'éjôé ya yôp teke me nyôñ, nalé a ne na ndu'u bôt a so a nyône jôm é  
nga béban e nleme wé été; avale te nde mvoñ é nga béban fefe \*zen é né.  
20 Mvoñ é nga béban e mevôm me ne \*mekok é ne môt a ne na, nné ane a  
wô'ô mejô me Zambe, ve ji'a nyône me a mevak; 21 ve a nji bi minkañ e be  
émién, a ne môte ya mone nté, nné ane ôlun a étibela'a bia so amu mejô me  
Zambe nye ve ku. 22 Mvoñ é nga béban e biyo été, é ne môt a wô'ô mejô me  
Zambe ve nye'ane mam ya \*si nyô a akum y'été bia mane tibi me yôp, môt  
ase a li'i teke bibuma. 23 Mvoñ é nga béban e mbamba si é ne môt a wô'ô  
mejô me Zambe a nyône me: éyoñe te a be'e bibuma a wum fese jia ntet,  
nyô fok mewôm mesaman, a nyô fok mewôm mela.

2 Koréñt Baa 3:15,16 Yaa, a kui môse wu, éyoñ ése ba lañe Môze, éndelé ja  
buti minleme miap. 16 Ve \*nkôñelane nlem étam e be Krist ñwô éndelé te ja  
kôlô.

Ezayi 30:28 mvebe wé wo funan ôtôñe mendim wo kui ndôn, ñwô wo bet a kui  
\*tyiñ, asu ya se'eze \*meyoñ me bôt a ése'eze ya njian. a asu ya futi kandé e  
nke'e \*meyoñ me bôt na, a kee me e vôm me nji kômbô.

Oze 11:3-7 Ma me nga ye'ele Efrayim dulu; me bili mo mé; ve be nji yeme na  
ma me nga saé be. 4 Me nga limiti be a minkole y'ényiñe bôt, a bengôkobe  
ya nye'an. Me mbe mfa'a wop ane nyô a te suu ébôñeté jap, me nga ve be  
jôme ya di. 5 Ba ye bo teke bulane si y'Ejipte, ve mon Asirieñ, éyoñe já, a ye  
bo njô bôte wop, amu be nga bene bulane be ma. 6 Nkpwaté mekôn wo ye  
biban e bitisone biap, a jiane mefôla ma bômane be, wo ye mine be, amu  
asimesan be nga bi. 7 Bôte bam be ne beyeñeyeñ mfa'a wom, ba loone be e  
be nyô a ne yôb été, ve wua y'été teke kôlô si.

Mimboone Minlôman 26:18 ô ke kui be mis, a vaa be dibi été, be zu éfufup; be

kôlô éjôé \*satan a nyiine éjôé Zambe, ane be ne nyoñe njamane ya mam \*abé map, a bo benyoñe ngap, baa be mintobane mi bôt, amu mbunane ya buni ma.

2 Timôté Baa 2:24-26 Ve mbo ésaé Nti a nji yiane bo môta mejô, ve mbamba môt e be bôte bese, ngule ya ye'ele, a njibane nsela'an asimesan. 25 A yiane ye'ele ba ba sôane nye a nje'ebane \*nlem. Za \*a yem nge Zambe a ne volô be na be kôñelan a yeme benyaa mejôô, 26 be bulan e be bebién a kôlô mevote me Satan, nyô a nga bili be minkôm a belo ya nkômbane wé?

Nlitan Mam 3:17-19 Amu wo jô na: Me ne kum, me maneya bik, me nji fe yi jôm. Ve ô ne te yeme na, ô ne bua, éngôngo, azoé, ndim, a soé. 18 Ma lebe wo na ô kuse or a ne ntumane nduan e be ma, ô bo kum, nalé fe mengômesan me ne éfumulu ô jaé, nde ôsone ya soé jôé wo ye bo te yené; ô kuse fe mbone ya wo'o e mise môé ô yen. 19 E ba bese ma nye'e mbe ma komekane be \*a lep. Ajô te va'a ngu, \*a kôñelane nlem!

2 Koréñt Baa 7:10 Amu ôlun, ane nkômbane Zambe ô né, wo ve \*nkôñelane nlem, wo ke kui e nyian, teke mejôba'an. Ôlun avale \*si nyô ja kômbô, wo soo awu.

1 Bejô Bôte Ôsu 18:37 Yala'ane ma, a Nti, Yala'ane ma: e bôte ba be yeme na wo Nti ô ne Zambe, a na, wo wo dutu minleme ya bôte bôé be wo.

2 Koréñt Baa 4:4 e ba be ne ayete minlem, e mbe ôzezambe ya \*si nyô ô kpwéya atyeñe ndime na, be bo te yen éfufube Mbamba Foé étôto'o Krist, nyô a ne éve'ela Zambe.

Lukas 8:11-15 Nkana ôte wo tinan avale di: Mvoñ é ne mejô me Zambe. 12 E ba be ne zene \*zen, be ne ba ba wôk, mvus éte, \*satan a zu a vaa mejô me Zambe e minleme miab étê, nalé ate ba ye bo teke yaé a ba ye bo teke nyiiban. 13 E ba be ne ako'o yôp, be ne e ba be ne na éyoñe ba wô'ô mejô me Zambe, ba nyoñe me a mevak; ve be ne teke minkañ; ba yaé nté éziñ, v'éyoñe \*meve'ele, be mane kôlô. 14 E mvoñ é nga ku e minsini'i étê, é ne ba be ne na éyoñ be maneya wô'ô mejô me Zambe, be kelé, mam ma tyelé bôte minleme yôp, akum a mimvôman y'ényiñ bia mane dibetane be, be ntoo teke fe ve bibuma bi ne bitôtlô. 15 E fes é nee mbamba si é ne e ba ba wô'ô mejô me Zambe a mbamba \*nlem, teke medu'an, be ba'ale me, a wume bibuma bia so e njiban.

Mimboone Minlôman 15:11 Bia buni na, bi nga nyiñ avale da da ane be.

Rôme 8:13 Amu nge mia nyiñ aval ane minsôn mia yi, mia ye wu. Ve nge mia wôé mbia mimboone mienane ya nyôl amu Nsisim, mia ye nyiñ.